





10.7 335

10.7.335





ORATIO

IN CELEBRI ARCADUM
ACADEMIA

Dum publicè plauderet

CLEMENTIS UNDECIMI

PONT. MAXIMI
INAUGURATIONI

HABITA

AB JO: VINCENTIO LUCCHESINIO
LUCENSI,



ROMÆ, MDCCL.

Typis Lucæ Antonii Chracas, propè Magnam
Curiam INNOCENTIANAM.

SUPERIORUM FACULTATE.



THE UNIVERSITY OF CHICAGO

LIBRARY

1910

CHICAGO, ILL.

RECEIVED

1910

CHICAGO, ILL.

1910

CHICAGO, ILL.

1910

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.



O R A T I O.



UAMQUAM plerumque
 Virtus tanto robore ,
 tantâ severitatis indo-
 le sit , eâque asperiori
 disciplinâ ita formet , ac imbuat
 ornatissimorum hominum inge-
 nia , ut satis suis opibus instructi,
 partisque sibi animi bonis beati,
 nullis capiantur laudum illece-
 bris ; negligent etiam æternam
 sui memoriam literis consecra-
 ri ; nec quidquam ad tuendas
 immortalitatis divitias , ad au-
 gendam nominis dignitatem ,
 præter ipsam virtutem sibi præ-
 fidio , aut ornamento esse du-

A 2

cant;

cant; tamen cum maximè Rei-
 publicæ interfit egregios Viros
 efferri laudibus, atque in homi-
 num luce versari, non est, cur
 ipsorum magnanimitati morem
 geramus, nec patiamur tantum
 detrimenti ex hac una, quan-
 tum utilitatis ex reliquis eorum
 virtutibus Rempublicam cape-
 re. Etenim si illustrium virorum
 exemplis alitur virtutis amor,
 si cupiditate gloriæ fovetur, si spe
 propagandi nominis viget, quis
 sui compos, aut publicæ fælici-
 tatis cupidus temperare sibi pos-
 sit, quin rebus præclare gestis
 memoriæ proditis, eisque auctis
 honestissimo laudum præmio
 Cives ad desiderium virtutis in-
 cen-

cendat, quò maximè salus publica continetur. Quamobrem eò magis enitendum reor, nè silentio premantur eximia Principum facta, quò plus Respublica ab eorum splendore, veluti à majorum Syderum influxu, propitiæ lucis ad prosperam rerum omnium moderationem mutuatur. Proindè qui rerum potiuntur hanc etiam studeant inire à Civibus gratiam, æquanimitèrque ferant, suarum virtutum prædicatione illos tam utilem navare sibi, ac posteris operam; nolint tanto comunis utilitatis damno sapientes esse, atque ita secum statuam, amplitudinem istam animi, Privato-

rum virtutem esse; publico verò terrarum Orbis Parenti vitio dari quicquid non consulit omnium bono, nec sibi laborandum quid Privatum, sed quid Principem deceat. Credo equidem, Auditores, vos neutiquam pendere animi, quam viam insistat, aut quò mea digitum intendat Oratio. CLEMENTEM XI. Pontificem verè Optimum, Maximum, prosequi meritis laudibus meditantem, tacitus me timor invaserat, nè huic salubri, æquissimoque consilio, gravitate, ac magnitudine mentis obsisteret, juberetque in ipso me Portus Ostio vela colligere; quare commemoratis beneficiis, quibus è
 suo

suorum rectè factorum celebra-
 tione affici Respublica postulat,
 cogendus propemodum est, ut
 cum totum se Civium saluti jam-
 pridem addixerit, nunc vel ali-
 quid suarum virtutum, quod ei
 reliquum erat, pro comuni fæ-
 licitate devoveat. Enimverò,
 maxime Sacrorum Antistes, iis
 ornaris eximiis moribus, iis mo-
 res illustras præclaris gestis, ut
 longè, latèque diffusa, ac terra-
 rum Orbem pervagata omnibus
 æquè admirationi, atque exem-
 plo, præsidio, atque incitamen-
 to esse debeant. Itaque nulla est
 remota maximè Gens, nulla bo-
 nis legibus constituta Civitas,
 nullus hominum Ordo, qui non

totus, suo beneficio, in tuas se
 laudes effundat. At verò, dum
 ubicumque terrarum, personant
 tuo nomine Mortalium aures,
 Arcades, qui immortalitatis me-
 moria illustrium Virorum glo-
 riam prosequuntur, ad tuas lau-
 des celebrandas sua studia non
 conferent? Profectò sin minus à
 nobis, in te celebrando, Reipu-
 blicæ ratio ducenda foret, nos
 muneris, officiique nostri admo-
 nerent literæ, quibus operam da-
 mus à te mirificè excultæ, pa-
 trocinia literarum à te liberalis-
 simè suscepta, Sedes, Medius-
 fidius, istæ à te magno quondam
 Alumno, ac Patrono occupatæ.
 Hoc igitur munere, dum Arca-
 dum

dum nomine perfungi jubeor ;
 ita moderabor Orationi meæ ,
 ad eosque fontes res tuas amplif-
 simè gestas revocabo , ut ex iis
 omnes intelligant , præstantem
 animi tui Virtutem docuisse te ;
 in privata forte maximum ter-
 rarum Orbis Imperium mereris ;
 in Summi Sacerdotii Comitiiis
 delatum ultrò recusare ; in su-
 prema rerum omnium potestate
 sic moderari , ut meritò ad co-
 munem felicitatem , ad Christia-
 næ Reipublicæ columen difficil-
 limis hisce temporibus servatus
 fuisse videaris.

Verùm dum ad dicendum ag-
 gredior , nequeo non frangi ve-
 hementer animo , ac perturbari ;

nam

nam quæ solet Oratorum mentes erigere, & confirmare, amplissima rerum copia, ea me summopere in metum adducit, ac dicere incipientem deterret; ut mihi, quod solventibus è portu Nautis, usuvenisse videatur, qui cùm incipiunt jactari fluctibus, tùm periculi magnitudine, ac tempestatum metu exalbescent, ad quæ capti peregrinarum mercium pulchritudine, iter ingredientessimum nequam adverterant. Illud me tamen recreat, quod cùm nulli tanta sit ubertas ingenii, nulli tam admirabile, & incredibile Orationis genus, ut possit dignè satis ornare verbis, & orando com-

complecti amplissima Principis
 nostri decora, angusti, demissi-
 que animi foret iis difficultatibus
 commoveri, quibus omnes ob-
 noxii sunt, cum præsertim glo-
 riam in illis conciliet ingens co-
 natus, gratiam habita publicæ
 utilitatis ratio, excusationem,
 si non rectè expedieris, argu-
 menti magnitudo. Unde nam
 verò initium potius dicendi fa-
 ciam, quàm ab illustri ALBANAÆ
 Familiæ Nobilitate, quæ cum
 jamdiù in Epiro virtutibus, &
 auctoritate floruisset, videretque
 omnem latè Græciam, clarissi-
 mo quondam florentem Impe-
 rio, in malorum omnium fædif-
 simam servitutem adduci, non
 eam

eam amplius sibi retinendam, Patriam duxit, à qua lætitia, felicitasque publica solum vertere cogerentur, sed in Italiâ pulcherrimâ terrarum Orbis Regione, ubi illas Civitate donatas conspiceret, sedem domicilii stabilem collocavit. Cùm verò jam tum eâ gloriâ circumflueret, ut par esset pluribus Gentibus illustrandis, Urbinum in Umbria, Bergomum in Cenomanis se recepit, à quibus non solum ei Civitas data, sed in Patritium Ordinem cooptata, & honoribus aucta, sellas curules, atque omnia Magistratuum decora obtinuit. At quàm magnam retulit Civibus suis collati beneficii gratiam?

tiam? Velut enim è remotissimæ
 terræ sinu ferax arbor ad nos
 traducta, benignitate pinguioris
 agri, salubriorisque Cœli, cultus
 industriâ, ingenioque Soli re-
 creata ampliores edit ramos, &
 fructus nobiliores: Sic illa è Græ-
 cia in Italiam transvecta, tot cla-
 rissimis Viris è suo trunco pro-
 creatis, auxit decorem suum,
 honestissimasque Urbes digni-
 tate, atque ornamentis decora-
 vit. Jucundum esset magna illo-
 rum nomina recensere, nisi unus
 CLEMENS omnium ad se ocu-
 los raperet, tantâque se efferreret
 Virtutum, ac Majestatis proce-
 ritate, ut reliquos tegat arboris
 ramos, totamque sibi vindicet.

Ora-

Orationem meam. Hac ille Urbini ortus egregia stirpe, domesticis exemplis admonitus, non in umbra, & otio sibi delitescendum putavit, sed nullâ deterrius difficultate, nullis voluptatibus blanditiis delinitus, rectâ suum iter contulit ad Virtutem, in eaque assequenda jugem, strenuamque operam collocavit. Arbitror quidem, Auditores, si ulla fortè rerum humanarum cura sollicitos habeat vitâ functos illustres Viros, unum iis omnium acerbissimum dolorem inuri, cùm sentiunt Posteritatis inertiam corrumpi patrimonium gloriæ tot suis laboribus partum; qui enim (si fas sit innocuos Ma-

nes

nes affectibus, ac perturbationibus nostris conflictari) non luctu, ac merore tabescant, si quando videant, suis virtutibus ali, sustentarique ignobilis otii vitia, nec alium acceptæ dignitatis fructum constare Posteris suis, quàm claris imaginibus ornatam turpissimæ vitæ desidiâ in amplissima honoris sede collocasse. Non istud profectò luctuosum, vulnus inflixit Majorum suorum decori JOANNES FRANCISCUS ALBANUS, qui stimulis domesticæ laudis incitatus, statim se dedit in bonas artes formandum, commendationemque ineuntis ætatis ab iis literis duxit, quibus imbui ad humanitatem solet

Ado-

Adolescentia ; tantum verò in eis profecit , quantum nos docent publica Græcæ , Etruscæque eloquentiæ Monumenta , quibus sui nominis memoriam consecravit. Cum verò jam tum aspiraret ad eam gloriam , ut ipsâ eloquentiâ , severioribus disciplinis instructâ posset , vel sapientissimorum hominum mentes flectere , ac veluti rationum vinculis detinere , quam earum sibi reliquam fecit , quin summâ ingenii alacritate perlustraret ? Nul- lum fuit Naturæ arcanum , quod ei non aperuerit Philosophia , nulla rerum Divinarum Scientia , quam non hauserit è puris Theologorum fontibus , nulla
sacri,

sacri , civilisque Juris dicundi
 peritia , quam à Legibus non ac-
 ceperit. Agè verò , quæ solertia
 in Conciliorum placitis evolgen-
 dis , quæ sollicitudo in percipien-
 dis Patrum sententiis , quæ indu-
 stria in indagandis ab ultima an-
 tiquitate Sacrorum Annalibus ?
 Proh superùm , hominumque
 fidem ! Tanta ne , ac tam illu-
 stris Scientiarum copia potuit
 unâ hominis mente contineri ?
 At non solùm ille complexus est,
 sed tam celeri , atque expedito
 cursu omnia pervasit , adeò me-
 moriâ tenuit , tantam ingenii lu-
 cem præ se tulit , ut non solùm
 cum Leontino illo Gorgia con-
 ferri possit , sed ei longè , mul-
 tum-

B

tum-

tumque antecelluerit, cui, cum de omni re, quæcumque agitari cepisset, se copiosè dicturum profiteretur, Delphis aureum Signum altrix quondam disciplinarum Græcia consecravit. Vix autem iis disciplinis ornatus cœpit in præstantissima hac Religionis Sede, in ista Sapientissimorum hominum luce versari, cum omnes omnium Ordinum Cives summo sibi amore devinxit, maximâ detinuit admiratione. Imploro vestram fidem Romana Lycæa, vos, inquam, oro, atque obtestor, quo ingenti plausu excepistis ejus tyrocinia studiorum, quibus estis eximiis illum laudibus profecuta,

ta, quam frugum maturitatem in ipso etiam ætatis Vere ad vos afferentem conspexistis. Vestrū sit, ut ejus in vos meritis aliquam saltem gratiam referatis, tot singularia virtutum exempla, quæ nulla unquam ætas in toto terrarum Orbe conticescet, vestris etiam ingeniorum conatibus celebrare, ne comuni hominum consensui defuisse videamini. Nam quid ego dicam de circumsepto gravissimis moribus lubrico illo juventutis tempore? Aut qua vi vocis, qua gravitate verborum, qua animi contentione dicam? Magnum quiddam, atque admirabilis profectò indolis judico, collocare in bonarum

artium tutelâ , studiisque literarum coercere florentem sensuum jucunditate , atque exultantem lætitiâ quadam mentis Adolescentiam ; at verò bellum voluptatibus indicere , temperare sanguinis alacritatem , non aliquid dare temporis ad ludum ætatis, ipsius demùm Naturæ dicto audientem non esse , longè difficilius , Divinæque propè Virtutis indicium puto , nec nisi ab iis præstari posse , qui cum Superis immortalibus sint comparandi , vel eos saltem omnes propitios habeant . Præstitit id quidem , cumulatissimè ALBANUS , atque ita præstitit , ut nullam ne levem quidem vitiorum suspicionem

mo-

moverit ; ut non eum ab instituto cursu ad ætatis illecebras licentia morum vocaverit , non amœnitas Urbis ad voluptatum blanditias , non æqualium exempla ad turpem vivendi consuetudinem ; ut illius Religionem , pietatem , constantiam Vitæ , æquanimitem omnes admirari , paucos imitari potuisse contingerit . Noluit profectò carere diutiùs Respublica earum virtutum præsidio , quin etiam suo veluti jure postulabat , ut suas ille animi egregias opes in Civium salutem , in comune bonum conferret . Neque enim quos paucos fingit Natura magnos homines , atque excelsos , quibusque

ad fœcunditatem ingenii accedit ratio quædam , & conformatio doctrinæ, fas est in umbra, & otio latère , sibi tantùm moderari , suos solùm affectus animi in officio continere , atque his angustiis Provinciæ fines circumplecti ; sed suscipienda Legum tutela , amplificanda Imperii dignitas , denique præstandum , ut privata unius hominis Virtus publicæ instar felicitatis sit . Morem sanè gessit , nec defuit Reipublicæ ALBANUS , quippè jam usque à mandatis sibi Magistratibus , nunquam non adhibuit in rei agendæ consilium Civium utilitatem , eosque fines suis virtutibus descripsit , quibus communis

nis salus continetur . Quid hîc
 ego Sabinam , Urbis-Veteris ,
 Reatinamque Præfecturas com-
 memorem, in quibus ita est sum-
 mâ cum laude , integrèque ver-
 fatus , ut commotam de se expe-
 ctationem non solùm sustinue-
 rit, sed quàm amplissimè supe-
 raverit? Quid proferam ejus man-
 suetudine discordias Civium se-
 datas, prudentiâ difficultates ex-
 peditas , doctrinâ Justitiam in
 Foro constitutam? Quid? lenita-
 te audiendi mollitam Judicio-
 rum acerbitem, industriâ cu-
 ratam Annonam, jura Civitatum
 facta, tecta servata? Sint ista qui-
 dem ejus gloriæ monumenta in
 illarum Gentium animis condi-

ta; sit firmissima earum laudum tutela perpetuò mansurus Urbium amor; non moror, quin sibi parta beneficia Cives ab ætatis injuria tueantur, jucundâque recordatione leniant felicissimi illius temporis desiderium. Non ea tamen est eximii Viri excellens, atque admirabilis virtus, ut velit in gesto præclarè officio ornamentum dignitatis suæ constituere, ab iisque rebus commendari, quæ prætermissæ luctuosam criminis ignominiam inurunt. Definitur hisce angustiis mediocris animi præstantia; quæ verò eâ Sapientiæ vi pollet, eâque luce perfunditur, ut propius absit à beatissima Superûm con-

conditione , tantos habet agendi
 fines , quantos amplitudinis suæ ;
 illâque dumtaxat gloriâ ducitur ;
 quæ maximis in Rempublicam
 meritis floreat . Magna rerum
 ita gestarum ab ALBANO exhibi-
 ta exempla proferrem , nisi ad
 ea , quæ in Urbanis Magistrati-
 bus gessit , quibusque in ista Im-
 perii Sede perfunctus est , illu-
 striora Munera , contenderet ani-
 mus . Tacitus verò nullo modo
 præterire possum , quod cùm sæ-
 pè Egenorum crimina irrogatâ
 Multâ plectenda illi forent , Di-
 vino quodam consilio providit ,
 nè poenarum remissione labefa-
 ctaretur Legum severitas , nève
 Legum severitate Reis quid-
 quam

quam mali ad egestatem accederet; Siquidem cum legibus in eos animadvertisset, ipse de suo poenæ æstimationem intulit in Ærarium. O novam, inauditamque artem Divinæ propemodum mentis! O miram, atque incredibilem præstantissimi ingenii vim! Cui unquam id admirabilis sapientiæ fuit, ut sciret punire beneficiis crimina, suppliciis amorem excitare? Quis umquam vidit nasci præmia ab ipso poenarum sinu, ab ipsis præmiis terrorem delictis incuti? Proh Deus immortalis! Gemunt legum acerbitate concussi Rei, lætantur simul in ipso gemitu, & triumphant, fruuntur luctu,
 amant

amant ærumnas suas, tùm verò
 magis à scelere abhorrent, cùm
 vident scelera muneribus cumu-
 lari: Quod unquam illustriùs fa-
 cinus posteritatis memoriæ com-
 mendabitur? Eripuit mœrori
 nocendi vim, auxit medendi:
 instruxit novis artibus calamita-
 tes, easque ad benignitatem eru-
 divit. Quid plura? vicit vel ip-
 sas Virtutes, quæque nunquam
 icto inter se fœdere consocian-
 tur Pietas, & Justitia, summâ
 felicitate composuit, easque ob
 publicas utilitates magnitudini
 animi sui parêre coegit. Et mi-
 rabitur quisquam, si hunc tam
 eximiâ, singularique virtute præ-
 ditum, vixdum in Aulam revo-

ca-

catum, Vicariamque juris dicendi provinciam in amplissimo Principis Apostolorum Templi Collegio obtinentem, INNOCENTIUS XI. difficillimo, amplissimoque muneri præfecerit? Neminem vestrûm latêre arbitror, Auditores, quàm grave, arduum, & illustre sit Apostolicis Epistolis conscribendis, quas Breves vocant, navare operam. Etenim cùm literæ animorum lineamenta referant, & sint veluti expressa coloribus imago mentis, qua Facundiâ, Gravitate, Prudentiâ, Fide, Religione, Sapientiâ ornatum putatis eum esse debere, qui Summi Sacerdotis sanctissima senfa, maximi omnium Principis

cipis voluntatem mente concipere possit, in ipsisque defixus, ad eorum similitudinem verba dirigere, literasque describere? Reliquis Magistratibus traditur pars tantum Majestatis sustinenda, nec magno cum periculo traditur, quippe qua vel immunita neutiquam summa Republicæ salus periclitatur; huic autem tota Imperii dignitas committitur, Legum expositio, Fidei inconcussa oracula, Divini Ærarii procuratio, sensus denique, animusque Pontificis, apud quem cum res omnium maximæ agantur, quis ignorat, ad ipsas nonnisi eum admoveri posse, qui ingenii, probitatis, scientiæ fructum

ctum

ctum sit amplissimum consecutus, quibus muneris dignitatem tueatur. Hoc igitur gravissimo, ornatissimoque munere cum ALBANUM decorasset INNOCENTIUS, palàm omnibus fecit, quæ de eo præjudicia fecisset, quamque honestissimam de ipsius Virtutibus sententiam ferret. Neque enim-
verò sua illum fefellit opinio, siquidem in eo gerendo adeò omnes industriæ, & Sapientiæ nervos intendit, adeò probavit operam suam, ut citò sint ei Meritorum præmia persoluta. Nam ALEXANDER VIII. æquissimus ALBANI æstimator, illum eâ adhuc florentem ætate, unde plerumque cæteri vixdum hono-
rum

rum cursum instituunt, præclarissimo Romanæ Purpuræ decore honestavit. Quid hîc agam, Auditores, quò me vertam, quod ineam consilium? Versatur enim mihi ante oculos tam varia, tam multiplex, tam latè divisa, atque dispersa rerum ab eo gestarum seges, ut deterrear magnitudine, capiar pulcherrimâ earundem specie, incertusque animi sim, quò pedem conferam, quò cursum dirigam, quod iter insistam. Velutî qui è superiori loco, undè ad amænissimas terrarum partes longè, latèque pateat aspectus, Maria, Flumina, Lacus, Collesque apricos, ubi suavitèr blanditur oculis Natura, circumspiciunt,

ciunt, ii quidem omnia propiùs perlustrandi cupiditate flagrant, sed dum incerti deliberant, quò se primùm conferant, immobiles hærent, atque oculos interea pascunt Regionis amœnitate.

Cùm autem nihil ALBANUS egerit, nisi in maximâ ornatissimorum hominum frequentia, nihil nisi in amplissimæ hujus Urbis aspectu, non esse videtur, cur in omnes cunctis pervulgatas actiones studium dicendi conferam; earum dumtaxat collectis fontibus vobis ante oculos positis præibo cogitationes vestras, ut jucundâ ipsarum recordatione maximam capiat animo voluptatem; mihi verò memoriâ

ve-

vestrâ feratis opem, si in aliquo
 difficili Orationis loco laborare
 contigerit. Auctus itaque hono-
 ribus ALBANUS, visus est etiam
 augeri summâ quadam agendi
 facultate, splendoremque digni-
 tatis, facinorum multitudine, &
 gloriâ superare, cùm nè illi otii
 quidem unquam otiosum fuerit,
 ut magnifico, eximioque Cato-
 nis dicto semper obtemperasse
 mihi videatur, magnorum, sci-
 licet, Virorum non minus otii,
 quàm negotii rationem extare
 oportere. Nego enim in hanc
 amplissimam Christianæ Reipu-
 blicæ Sedem, in hunc Principem
 Religionis locum ex clarif-
 simis totius Orbis regionibus ne-

C

go

gotium ullum delatum fuisse ,
 quod ei datum non fuerit , non
 obierit summâ industriâ , virtu-
 te explicaverit , auctoritate con-
 fecerit. Nego quidquam ardui ,
 & illustris Maximis Pontificibus
 INNOCENTIO XI. sub finem Impe-
 rii , ALEXANDRO VIIJ. , & INNO-
 CENTIO XIJ. in Regni administra-
 tione accidisse , de quo non fue-
 rit ille sententiam rogatus , suf-
 fragium non tulerit , suis consiliis
 sapientissimas Pontificum Men-
 tes non juverit. Nego in Aulâ
 tot variis hominum curis impe-
 ditâ , tot diversis voluntatibus ,
 studiis , sententiis distractâ , eâ
 potentiâ , ac splendore clarissi-
 mis Viris ornatâ , difficultates
 ullas

ullas obortas , in quas ille molliendas , sedandas , dissolvendas ope , consilio , prudentiâ non incubuerit . Magna hæc licèt jure , ac meritò videantur , tamen ad quam vultis majorem spem animos erigite , vincam profectò expectationem vestram . Ecquis fuit amplior , difficiliorque Magistratus , quem ille non gesserit ? Ecqui in Magistratu gerendo curarum nexus , quem ille non solverit ? In dicenda in Senatu sententiâ laudatur maximè robur animi , & dignitas ? nunquam non magno , atque erecto animo dixit . In cognoscendis , transigendisque negotiis extollitur laborum tolerantia , consilium ,

industria? Mirum, quantum eorum periculum fecerit, quantum in iis præstandis studii, operæque posuerit. At enim gravissimis Reipublicæ occupationibus implicato videbitur fortasse nihil vacui temporis fuisse Privatorum commodis procurandis? eaque gloriâ caruisse, quæ si minus habet ornamenti, & splendoris, at quidem gratiâ, & hominum celebratione plurimum commendatur? Nemo profectò magis infidem, & clientelam suam omnium Ordinum Cives suscepit, nemo eorum utilitatibus plus indulgit, suum tempus Amicorum temporibus contulit. Publicis muneribus præfici quis postulabat?

bat? Socium sibi, atque adjutorem petendis Magistratibus ALBANUM ascivit. Premebantur alii invidiâ, & adversâ Principis opinione? ALBANUS evulsit, nec passus est, innocentiae malam famam inuri; quem perditâ, multumque jactatâ fortunâ miserum, spem non erexit, non juvit auxilio, auctoritate non fovit; atque ea quidem tantâ benignitate, animique propensione gessit, ut illa majora parta Reipublicæ beneficia ab ipsa Virtute, hæc ab eximia, præstantique Natura proficisci viderentur. Hinc, illius domus quæ celebratio quotidiana? quæ dignitas? quæ Legatorum frequentia? qui Candidato-

rum concursus? quæ studia amicorum? quod commune Civitatis perfugium? Verùm enim verò domesticas Civium difficultates, profligatasque fortunas non solùm officio, & benevolentia sustentavit, sed re, re, inquam, familiari, quamvis non satis amplâ, sæpè illis est quàm liberalissimè opitulatus, ut inde ALBANUM non inanem aucupari gloriam, quæ numquam, aut ægrè pretio redimitur, sed explere desiderium Virtutis, insitamque pietatem, vel effusis opibus alere nemo non intelligeret. Quid moror studiis literarum imbutos homines, conflato ære alieno, afflictâque fortunâ oppressos, quin

quin hujus præstantissimi Viri
 beneficiâ solutos se fateantur,
 contendantque summis viribus,
 nè præclarum, egregiumque fa-
 cinus, receptas scilicet à Virtute
 opes, Virtuti restitutas, ulla um-
 quam deleat oblivio? Quid? re-
 rum inopiâ laborantes Virgines,
 quin hujus liberalitati acceptum
 referant illustre Pudicitia decus,
 quodque ipsis vitæ turpitudine for-
 mæ venustatem non extinxerit?
 At si omnia persequi dicendo
 vellem, nullus esset Orationis
 modus; Sit tamen ALBANO
 una instar omnium amplissima
 laus, nullam parem suis laudibus
 Orationem esse; dum verò tot,
 tantisque rebus præclare gestis.

conturbat dicendi artem ; eam
 famam omnium maximam su-
 beat , quæ admiratione , plus-
 quam pervulgato Civitatis ser-
 mone continetur . Quis tamen
 ex tam amplâ clarissimorum fa-
 cinorum copiâ possit unum, aut
 alterum silentio præterire , qui-
 bus est quidem conata spectatissi-
 mi Viri modestia tenebras of-
 fundere , sed illa maximo suo
 splendore prodita , cunctorum
 mentis aciem perstrinxêre. Con-
 cussâ, perditâque valetudine con-
 flictâbatur Vir quidam summo
 loco natus , atque illustri Gene-
 ris nobilitate . Vim morbo da-
 bant ingentes curarum sollicitu-
 dines , quæ corporis , animique
 ang-

angore confectum , ac propè
mortem obeuntem miserrimè
dilacerabant ; etenim cum nu-
meratis quingentis supra duo
scutorum millia expianda illi
conscientia foret , naufragus pa-
trimonio , quique maxima vul-
nera in re , fortunàque domesti-
cà accepisset , maximis angustiiis
præmebatur , nec quidquam ei
reliquum erat , unde se his vin-
culis solveret . Compresserat pu-
dor voces , sed oculorum , fron-
tis , vultus denique totius aspectui ,
ubi vel nobis invitis tacito quo-
dam fermone loquitur animus ,
à mestitia occupato satis inerat
eloquentiæ , ut ægritudinis vim ;
parum , ut quæ forent illius pro-
pul-

pulfandæ remedia, Familiarium,
 pietati indicaret. Affuit misero,
 veluti è Cœlo delapsus ALBANUS,
 dissolvit verecundiæ vincula,
 retudit curarum tela, jussit bono
 animo esse. Satis hæc ad pieta-
 tem, officium, benevolentiam
 videbuntur, & meritò, si ad fra-
 ctas horum temporum, debili-
 tatasque virtutes animus adjicia-
 tur; sed ad se ipse adjecit, sibi
 solùm ALBANUS exemplo fuit;
 numeravit pecuniam, dono de-
 dit, rogavit, O Virtus, atque
 incredibilis Virtus, rogavit, in-
 quam, ut si qua reliqua solici-
 tudo foret, sibi statim depulso-
 ro patefaceret. Quid in eximio,
 clarissimoque facinore comple-
 ctar

Etar verbis , studiis prosequar ;
 summis laudibus extollam ? Li-
 beralitatem ? quæ tantum argen-
 ti pondus erogavit . Misratio-
 nem ? quæ statim suppetias tulit ;
 alienis lacrymis commota . Ma-
 gnitudinem animi ? cui neuti-
 quam divitiarum amor impo-
 suit . Verum quamvis ibi nulla
 earum Virtutum non teneat
 amplissimum dignitatis locum ,
 tamen id potius honestissimo
 omnium sermone celebrandum
 puto , quod ad illud insigne , or-
 natissimumque facinus decoran-
 dum , prodendumque Posterita-
 tis memoriæ , tot , tantæque si-
 mul , velut inita societate , con-
 spiraverit , atque adeò in altissi-
 mo

mo honoris gradu posuerint, ut omnes existimare ita debeant, Virtutes impensius illorum famæ consulere, gloriæque servire, qui prius ipsis obtemperare didicerint. Atque ista quidem ALBANI in contemnendis opibus sapientia tam longè, latèque patuit, tantaque præ se magnanimitatis exempla tulit, ut ea tam illustria, tam sæpè instaurata in lucem prodere non necessitatis, aut officii, sed consilii, & virtutis fuisse palàm omnibus fecerit. Nam, ut reliqua omittam, duodecim scutorum millibus labentem amplissimi Viri fortunam fulcire studuit, qui quamvis repudiati, tamen
etiam

etiam non accepti, ac nullo collato pretio ingentem ejus nomini gloriam compararunt. Quis fuit umquam partis sibi divitiis adeò clarus, adeoque beatus, ut ALBANUS effusis? Quis umquam graviore fœnore occupavit pecunias, quàm cum illas ALBANUS in aliorum ope consumpsit? Quod si florent egregià, summàque hominum æstimatione res illæ gestæ, quibus multum splendoris, parùm inest difficultatis, hæc, quæ nonnisi potentioribus devictis animi affectibus se se omnium Mortalium oculis exhibet conspiciendam, quàm vigebit memorià Sæculorum? quibus omnium Gentium

stu-

studiis commendabitur? Non ego deinceps ullà tenear admiratione, si nusquam Fortuna clarissimo Viro insidias collocare potuerit, cùm de ipsa auri cupiditate, qua rerum illa humanarum domina, plerumque animorum potitur, & qua curis eos gravissimis conficit, Victoriâ retulerit, honestissimum triumphum egerit. Enimverò quodnam illi poterat Fortuna vulnus infligere? quibue adversis rebus tentare? quo bello incredibilem ejus animi constantiam concutere? qui eo mentis robore, earum Virtutum præsidio se instruxerat, atque adornaverat, ut ipsam Fortunam in sua potestate retinere,

nere , ejusque vim , & poten-
 tiam vicisse videretur . Verum
 cum summoperè celebretur ma-
 gnifica vox illa Demetrii Regis,
 malè actum cum iis Mortalibus
 esse , quibus adversi nihil um-
 quam acciderit , cumque ad illu-
 stre ALBANI nomen pertineret
 non solùm eà glorià exornari ,
 quæ in secundis rebus æquabili
 servatà mente , sed etiam , quæ
 in adversis commendatur , insi-
 dias ei , quas non licuit Fortunæ,
 Virtus instruxit , novoque , atque
 inaudito pugnæ genere laceSSI-
 vit , in quo præclarum ALBANO
 fuit summo studio , summæque
 vi dimicare , præclarius vinci .
 Etenim cùm singularis ejus ani-
 mi

mi præstantia ; rerum eximiè
gestarum copia , dignitas mo-
rum , atque amplitudo mentis ,
quibus jamdiù meruerat altissi-
mum honoris gradum , in eam
voluntatem sacrum , clarissimū-
que terrarum Orbis Senatum
adduxisset , ut ei Christianæ Rei-
publicæ Imperium deferret , diù
pugnandum ipsi cū Senatu fuit ;
ut illum de gravissimo isto con-
silio deduceret , diù secum , ut
suam sententiam ad ejus judiciū
adscriberet . Animadverti , Au-
ditores , vos ad Imperii nomen ,
clarissimæque hujus concertatio-
nis voces excitasse animos , sum-
mæque exarsisse cupiditate , ut
illud admirabile , ornatissimum-
que

que facinus ad vestras revocem
 cogitationes, cuius splendore no-
 stra semper Ætas illustrabitur,
 postera verò Sæcula ingenti ad-
 miratione defigentur. Etenim
 quamvis nullius adeò peregri-
 nentur atres, nullus tam sit re-
 mōtus terrarum locus, ubi hone-
 stissimus illius rumor non per-
 crebuerit, tamen eâ majestatis,
 gloriæque luce decoratur, ut So-
 lis instar, quo sæpius in illum in-
 tenditur oculorum acies, plus
 ab illo radiorum Fonte derivari
 luminis videatur. Venerat pro-
 fectò in mentem indicare dum-
 taxat locum, & cum omnem pro-
 pè verborum vim in tot, tantif-
 que rebus enarrandis consumpse-

D

rim,

rim, nec posset ullo conatu, ullâque facundiâ satis à me pro dignitate admirandum facinus exponi, eâ solertiâ, industriâque uti, qua præstantissimum quondam totius Græciæ pictorem Timantem adhibuisse literis est consignatum, qui cum coloribus referret immolandam Iphigeniam, expressit quidem tristem Calchantem, mæstum Ulissem, mærentem Menelaum; sed cum ad ingentem Agamemnonis patris luctum, qualem mente conceperat, nequiret artem, manumque dirigere, illius capiti pannum obduxit, ut quem ipse formare acerbissimum dolorem non potuisset, suâ sibi quisque

co-

cogitatione dipingeret. Verùm
 cùm res ipsa tantum decòris ha-
 beat, ut suà se ornet venustate,
 non est, cur desim cupiditatibus
 vestris, ab ejusque splendore lu-
 cem non quæram Orationi meæ.
 Habebantur creando Pontifici
 Maximo clarissima Terrarum
 Orbis Comitia, nec adhuc inter
 Senatores convenerat, in quem
 suffragia conferrent; cum novis,
 magnisque difficultatibus op-
 pressa Respublica imploravit Se-
 natus opem; afflatus iste conci-
 liatrice animorum Divini Spiri-
 tus aurà, velut unicum fessis re-
 bus præsidium, ALBANUM ad tra-
 ctanda Reipublicæ gubernacula,
 ad sustinendam Imperii molem

statuit admoveſcere. Expavit ille
 ad Regni nomen, ac terrore per-
 cuſſus obriguit, obſtupuit; ta-
 cent enim vehementiores animi
 affectus, ſi tamen quidquam eſt
 ſilentio illo facundius; inde col-
 lectis viribus orat, inſtat, urget,
 obteſtatur, nè ſibi in ampliffimo
 omnium præmio ſupplicium
 tam grave conſtituatur. Ad ad-
 mirabilem vocem ſtupor, qui
 priùs ALBANUM occupaverat,
 oppreſſit Senatorum mentes, non
 tamen è ſententia dimovit, quin
 confirmavit eò magis, quò ille
 dignior erat Imperio, cum re-
 cuſabat. Doluit tum vicem
 ſuam, atque ægrè ferens in ipſa
 virtute fontem mæroris ſui repe-
 riſſe,

risse ; à qua putaverat omnem
 sibi defluxuram felicitatem , de-
 dit se lacrymis , ut quos virtute
 non posset , fletu molliret . Tum
 verè gemitus visus est majesta-
 te decorari , atque ipsam fortitu-
 dinem animi gravitate , digni-
 tateque superare . Cùm se frustra
 in lacrymas effundat , tandem
 manus dabit ALBANUS ? Nil mi-
 nus ? Florentem ætatem suam
 præferefert , quàm propemodùm Se-
 natores omnes eidem pares , aut
 antecellentes ætate de spe re-
 gnandi dejiciat , promit rationes ,
 argumenta concinnat , in omnes-
 que se versat partes , ut Senatum
 à suscepto consilio deterreat .
 Addi quidquam ad istam con-

stantiam , ac magnitudinem animi potest? Reperietur . Tanto concutitur supremæ Dignitatis metu , tanto conficitur delati sibi Imperii dolore , ut tandem in morbum incidat , ac febris laboret . Est nè aliquid ultra , quò progredi Virtus possit? Inveniet . Summà vi , summisque precibus orat Deum Optimum , Maximum , ut ipsi maturatà morte à Regni formidine caveat : O Superi conservatores hujus Imperii , quando nam post heroica illa tempora in hac amplissima Sede tanta magnanimitatis prodigia vidistis! O omnium elapsarum ætatum memoria , fuit nè tibi umquam illustrius factum tra-

tradendum Posteris consignatum ! ALBANUS eo studio recusat Imperium, quo cæteri acquirunt: decertat, ut serviat: pugnat, nè summà cum potestate sit in Orbe Terrarum. At verò quæ pugna? Si tempus spectes? Longo trium dierum spatio pugnata. Si vires? Summà contentione. Si numerum? Cum omni Senatu. Si prodigia? Quod majus Monstrum, quàm ingens Regni, veluti servitutis horror; quàm tamdiù constans ratio Comitiorum, in iis quando vel nox una interposita, vel levis aura opinionis tantos excitat fluctus, ut sæpè qui portum tenere videbantur, æstus absorbeat. Tamen re hætenùs

integrâ , in nullamque partem
 inclinante victoriâ . Quid tan-
 dem ? Indicuntur supplicationes,
 fit maximus concursus ad Tem-
 pla, ac Superum Aras; ALBANUM
 Religione obstringunt, conscien-
 tiâ terrent rerum Divinarum,
 Mystæ, certat Senatus precibus,
 & auctoritate , ut denique tot
 machinis admotis, tanto impe-
 tu concussus, pugnans tamen, ac
 renuenti similis, cedat omnium
 votis , cogatur Regni habenas
 moderandas suscipere. Civitas
 omnis è suis sedibus convulsa,
 quasi de summa Republica, de
 communi Religione ageretur,
 anceps ad Comitiorum sedem
 convenerat, & quamvis res om-
 nis

nis videretur constituta, facie-
 bat tamen ALBANI virtus; & ma-
 gnitudo periculi, ut non timere
 sine aliquo timore non posset.
 Intonuit tandem læta vox illa,
 quæ omnem metum dissolvit,
 qua ALBANUS est; CLEMENTIS
 sibi nomine ascito, Pontifex Ma-
 ximus renuntiatus. Qui tum
 plausus? Quæ acclamationes?
 Respondit festivis clamoribus
 Civitas, visaque non modò est
 omnium Ordinum, Fortunæ,
 loci multitudo, sed mænia ipsa,
 ac Divorum Tempia ingenti
 gaudio perfundi. Quantus verò
 cumulus ad reliquas voluptates
 accessit, cum demum CLEMEN-
 TIS aspectu longè jucundissi-
 mo

mo recreati vidimus in summa
 Fortuna lugentem Principem .
 Enituit siquidem in iis lacrymis
 amplissima nostri gaudii spes , in
 illo gemitu communis Populo-
 rum lætitia ; Tum enim merore
 Principes obruuntur , cum illis
 ea solùm Regni species ante ocu-
 los obversatur , quæ præferebat
 gravem præstandam Reipublicæ
 servitutem , in qua libertas , fæ-
 licitasque publica continentur .
 Gemunt persæpè Cives , ut suis
 lacrymis alant Principum gau-
 dia . Lugebat CLEMENS , nè ulla
 in Civium animis hæreret solici-
 tudo : mædebant oculi fletu , quem
 receptæ jam tum in ejus sinum
 maximæ Terrarum Orbis ægri-
 tu-

rudines exprimebant: hinc communis omnium lætitia, Principis luctus. His enim verò commotus, nullam sibi moram fecit, quin statim ad procurandam Rempubli-
cam animum adjiceret, quam nè oborta inter potentissimos Principes dissidia concutetent, ac labefactarent, omni studio, sapientià, virtute ad conciliandam pacem incubuit, quibus officiis eorum animos non delinivit, quibus non studuit precibus frangere, auctoritate componere. Sæpiùs exaratas dexterâ illâ, fœderum Terram inter, Cælumque conciliatrice, literas ad ipsos dedit, atque eloquentiâ, gravitate, consilio, prudentiâ refertas literas?

ras? Respiravit à metu Italia, respiravit Europa, cùm vidit CLEMENTEM sedulò paci, omniumque tranquillitati consulentem. Omnibus tum lætitiis incessimus, cùm credidimus Pontificis manu è Cælo deductam, hilari fronte ad nos beatissimam quietem descensuram. At non erat, cur frui statim CLEMENTIS beneficio possemus. Latuit tum nos arcanum, idque temporis publicę tranquillitati tribuendū optavimus, quod commodis potius nostris, quàm ejus dignitati conveniret. Periclitandæ prius erant armorum vires, tentanda belli fortuna, nè si repentè omni tumultu composito, sedatisque socialibus discordiis

diis tenuissemus placidissimum
 otium, nostrâ illud felicitate, non
 Pontificis sapientiâ partum videretur.
 Florescet quidem, ô utinam longas non habeat moras,
 florescet hujus auctoritate, ac sapientissimorum Principum temperantiâ lætissima quies, eximiumque opus, non nisi uni acceptum referemus pacificatori Pontifici. Interim ipse, dum ardet bello Europa, ad conciliandum Mortalibus immortalem Deum omnia studia pietatis, ac Religionis contulit, strenuamque adhibet usque curam, ut ab irato Numine tela ærumnarum extorqueat. Vidimus illum summo labore Divina semper obire negotio

gotia, sedulitate curare Sacra, Fide preces ad Deum effundere, præsidium afflictæ, perditæque Reipublicæ implorare. Vidimus Pontificem Maximum infimæ plebis hominum pedes, ad sacra ista Religionis monumenta ad-euntium, abluere, suis manibus alimenta præbere; concussâ va-letudine miseros ope, ac cibo recreare; mortem obeuntibus conferre Divinâ Fidei Mysteria. Vidimus CLEMENTEM amplissimæ Dignitatibus insignibus, & orna-mentis decoratum è superiori lo-co, incredibili vi, doctrinâ, elo-quentiâ docentem Populos, pro-fligantem vitia, virtutes revo-cantem. O diu desideratam,

ac

ac tandem redditam Christianis
muneribus majestatem! O' sanctissima
vetustatis exempla! O' antiquæ Religionis
imagines! Auxit enim verò humilitas illa
summi Sacerdotis dignitatem,
ac maiori luce perfudit; dum tan-
tus fuit demissi Pontificis splen-
dor, ut illicò noctem cujusdam
ex infauste grege aberrantium à
à sanctissimà nostrà Religione
dissipaverit, qui in humili, ac
spontè abjecto CLEMENTE vidit,
nonnisi à vera Fide arcanam il-
lam virtutem oriri posse, quæ mi-
ro nexu demissionem cum am-
plitudine consociaret. Et quis-
quam dubitabit, quid CLEMENS
in evertendis erroribus sapientiâ,
do-

doctrinâ, auctoritate perfecturus
 sit quî tantum solo morum exem-
 plo perfecerit? Equidem ut quon-
 dam P. ille Scipio natus ad in-
 teritum, exitiumque Kartaginis
 videri potuit, qui Urbem poten-
 tissimam à multis Imperatoribus
 oppugnatam, concussam, ac pe-
 nè in ditionem redactam solus
 fatali quodam eventu diruit, fun-
 ditusque delévit, ita CLEMENTEM,
 si unquam alium, ad colligendos
 aberrantium greges, ad destruen-
 das impias Religiones Divino
 quodam munere donatum Rei-
 publicæ fuisse crediderim. Quis
 enim tam rerum ignarus vereri
 audeat, quin hoc salutari, sapien-
 tissimoque consilio in isto uno
 con-

congefferit immortalis Deus tot
 ornamenta virtutum, earumque
 rumor benevolò perduellium,
 sermone celebratus ad omnes ip-
 forum Provincias peragraverit.
 Meritis quotidie laudibus Chri-
 stiani nominis hostes CLEMENLEM
 prosequuntur; prosequuntur ve-
 rò? Quin etiam ipsius nomine
 percusso apud Germanos Num-
 mo, posteritatis memoriæ com-
 mendarunt. Et quos jam detinet
 admiratione, devincit benevo-
 lentiâ; Fidei vinculis non obstrin-
 get? Quòd si tantus eos furor
 invaserit, ut velint in perpetua
 nocte versari, sciant satis esse ad
 CLEMENTIS gloriam, suis ipsum
 mentibus affulsisse. Recusent illi

E

qui-

quidem Pontificis Maximi Imperium, sed tamen Pontificem laudent; nullum erit profectò demissius obsequii genus, quàm quàm quòd hostes ejus virtuti deferunt, nec meliùs unquam fervient, quã cum ad illius laudes celebrandas Imperio virtutis coercentur. Quid illustrius ad Principis nostri commendationem excogitari potest? Ornatur ille tamen majori etiam decoris luce. Magna quidem CLEMENTIS gloria, & rarò audita, quòd ejus virtutes vel ab invidis inimicorum oculis conspiciantur; major verò, quòd easdem ipse non videat. Obstupefcant illi tantas animi egregias opes, earum se potiri

CLE-

CLEMENS ignoret. Illustrior utique erit ignotâ sibi virtute suâ, quàm cunctis perspectâ. Audivimus enim crebris illū usurpare sermonibus, procurandæ Christianæ Reipublicæ se imparē esse, nec compotem earum rerum, quæ conducunt prosperis Imperii rationibus, communique Populorum salutis. Non æquâ profectò admirabili virtuti suæ ducitur opinione, & quæ non rectè consentit rerum gestarum amplitudini. Tamen fas esse non judico quemquam magnanimis hisce vocibus adversari, aut repugnare, nè ille ex augusta animi demissione amplissimum gloriæ fructum consequatur; quin etiam

gratulor Reipublicæ felicitatem suam, cùm ei Princeps ille summo cum imperio præsit, qui cum tantâ se efferat illustrium factorum copia, tantâque ipsi prudentiâ, consilioque moderetur, non sibi tamen ejus adhuc utilitati, ac publico bono consuluisse videatur. Majora siquidem meditatur, qui cùm semper tam magna gerat, nullo tamen habet in pretio, ac obruitur rerum agendarum splendore si in quæ plura ægit amplissima, animum non intendit. Humiliter, demissèque sentiat CLEMENS de suis in Rempubicam meritis, ut eâ opinione commotus, cùm ipsi maximè, cupiat opitulari, studeat parta
jam

jam beneficia novis semper muneribus vincere. Æquiores nos utique sententiam ferimus de singulari, eximiâque animi sui præstantiâ, & quid illa possit, ex facinorum magnitudine, quid velit, ex conceptâ majorum gestorum spe rationem ducimus. Neque enim exigua nobis videri possunt, quæ hætenus accepimus bona, constitutum scilicet optimis Legibus sacri Ordinis decus, compressa morum licentia, amplificata Templorum Religio, Annona severis Magistratibus stabilita, quæ durior fieri videbatur, militum copiarum non tam ad pacis ornamentum, quàm ad belli præsi-

dium instructæ, atque adornatæ,
 cum Munitiones, & Regni fines
 firmissimis omnium custodiis,
 Religione videlicet se tueantur;
 quod verò longè jucundissimum,
 atque insperantibus Civibus ac-
 cidit; in tanta Ærarii difficulta-
 te, nulla nova imperata tributa.
 Mirantur siquidem omnes, unde
 in acceptum retulerint Tribuni
 ærarii tantam pecuniarum vim,
 qua recentibus Imperii difficul-
 tatibus subventum sit. At sciant
 parsimoniam, prudentiamque
 Principis in administrandis pu-
 blicis opibus maximum vecti-
 gal esse. Quod si debent CLE-
 MENTIS Sapientiæ Cives opti-
 mē constitutam Rempublicam,
 Pie

Pietati auctum Sacrorum cultum, Pudori mores ad sanctitatem revocatos, Providentiæ otii, ac pacis securitatem, Sapientiæ recepta in fidem, tutelamque suam studia literarum, par erat, ut Frugalitati, ac Temperantiæ acceptas referrent nullo tributo conturbatas fortunas suas, nè ulla sit Pontificis Virtus, quæ ingenti parto beneficio non commendetur. Illud verò quanto nos afficit gaudio, atque admiratione, quod in summa rerum omnium potestate, in altissimo dignitatis gradu privatus esse non desinat; eà enim ipse bonitate, quà cùm privatus ageret, facilem se omnibus præbet, comi-

tate condit gravitatem, benevolentiam excipit Mortalium obsequia, ut CLEMENTEM regnare non ex elato supercilio, aut frontis contractione, sed ex majoribus collatis in Rempublicam beneficiis compertum Civibus sit, quin potius, non ipse, sed suæ dumtaxat Virtutes Imperio potiri videantur. Enimverò ad cumulandam Rempublicam bonis, ad immortale tui Nominis decus conspirant Virtus, & Indoles tua maximè Pontificum. CLEMENS, nec quidquam nobis reliquum faciunt, cujus nos teneat desiderium; affert muneribus tuis pondus omne, atque amplitudinem Virtus gratiam præ-

præstans, atque admirabilis Indoles, qua ea ipsa munera suavitate quadam aspergis, ut tua esse, & à te profecta benignitatis indicio patefaciant. Nè verò quid splendoris tuæ clarissimæ gloriæ deesset, habuit etiam in te ornando suas partes. Fortuna, cum iis arctissimo necessitudinis vinculo devinctus sis, qui tecum non minus sanguinis, quàm Virtutum cognatione coniungantur. His tot, tantisque bonis cumulati, non est cur deinceps aut deprecandis publicis calamitatibus, aut pro comuni incolumitate defatigemus Superos precibus; Satis erit in unum desideria nostra colligere, ac
 nua-

nuncupare vota pro tua solùm salute; ab ea enim Salus Reipublicæ pendet , in isto omnium præstantissimo beneficio , quò jam donati fuimus ab immortali Deo , in Optimo scilicet PRINCIPE , munus omne , Terrarumque Orbis felicitas continentur .

F I N I S .

IM-

I M P R I M A T U R,

**Si videbitur Reverendissimo Patri Magi-
stro Sacri Palatii Apostolici.**

Dominicus Episcopus Verulanus Vicesg.

I M P R I M A T U R,

**Fr. Paulinus Bernardinius Ordinis Præd.
Sac. Apost. Palatii Magist.**



00558764

UR

